

稼

門

詩

鈔

藏門詩鈔卷一

頌贊

皖江汪志伊

恭祝

皇上五旬萬壽頌

謹序

洪惟

皇上御極之十有四年孟冬朔越六日恭逢

五旬萬壽大慶

駿命開祺

鴻禎介景

稼門詩鈔

卷一

敘福錫極敷天揚麻

特開恩科

頒恩詔維時內外臣工暨萬邦黎獻莫不延頸企踵舒音而頌
至德

皇上以時和年豐民物康阜得賢才分理庶務爲

國家至寶凡金玉玩好久奉嚴禁於

登御之初至是復慮直省疆臣敬念祝

釐大典或備珍貢以展悃忱先期

諭誠殷肫又以賡颺之文辭尙體要載奉

闡論期於頌不忘規以黜浮靡而歸典雅臣聞上天之誠物與

无妄故健行之運不已聖人之誠自強不息故悠久之
算無疆焉昔老聃曰天得一以清地得一以寧舜推廣
堯之意以告禹曰惟精惟一伊尹曰善無常主協于克
一又曰一哉王心孔子曰吾道一以貫之又曰凡爲天
下國家有九經所以行之者一也一之德大矣哉而宋
儒朱熹特爲表之曰一者誠也蓋存誠卽主一之學而
以人合天之道叶貞恒膺平格理有固然也欽惟我

皇上至誠亶於性德洽清寧誠意慊於心道符精一動而無不

中者元亨誠之通靜而無不貶者利貞誠之復

毓慶繼

德

臣謹案

御製毓慶宮記云歲乙卯九月三日宣

諭

立儲於十一月十八日

命自撝芳殿移居毓慶宮復

賜額

上理重光承

繼德堂

眷佑之慈綿

洪延之緒篤

熾昌之祐荷

付畀之隆

天哲示其亮章

聖子徵於先命越歲丙辰履端首祚

溥鑒大廷欽

授

受於元辰紹

烈

華於上日者筵劾祝

嘉慶元年正月初四日於

官序臚愉樂晏

皇極殿重開千叟宴

之盛未有倫比

臣

聞天者羣物之祖也故徧覆包含而

無所殊聖人法天而立道亦溥愛而無私

皇上以

昊天之心爲心凡

郊

社大祀

致誠斯至率禮彌惇伏讀

御製

南郊

北郊二記理闡穆清誠通禱載觀

天象以省躬儆

天戒以修政應

天以實參贊彌綸所謂上下與天地同流也臣聞欽翼祗栗事
天之容也溫恭敬遜承親之禮也

皇上以事

親之誠孝事

天卽以法

天之誠敬法

祖

繼

志

述

事

率由

舊章歲

肅精禋

德馨昭假乙丑孟秋

聖駕恭詣

盛京

隆敬

橋山

觀風幽宇伏讀

御製盛京頌述

開剏之規模勤觀揚於

光烈

鴻篇紀實遠軼粉榆至夫

晨御法宮莊誦

列朝實錄並恭繹

聖製詩文舉要擷精申儆臣下

稼門詩鈔

卷一

五

勤思乎祇遘

篤志乎紹衣詩所稱夙夜敬止繼序不忘何以加焉

臣聞博大

昌明開闢造化乃爲帝王之文章經緯天地鼓動萬物
乃盡聖人之能事

皇上心通三極言範六經探姚姒之精微闡鄒魯之闡奧先後
頒發味餘書室全集四十卷

御製文初集十卷

御製詩初集四十八卷

咏左傳詩百篇固已

訓行海內奉爲鍼規諸所著爲

論說見於

詔諭者莫不

志以道寧

言爲世則

大文炳耀天下化成所謂主於心者无不誠則發於言者无不

實也

臣

聞聖人之伸於天下也有神其御天下也有威

皇上受璽之初恭承

十全聖武緒戴征苗嗣復

指授機宜敕寧三省而

聖德好生於申明紀律之時仍

布帛從罔治之令春溫秋肅上協

天時伏讀

御製平定三省紀畧

廟算遠圖發於衷誠薄海內外經正民興從此胥慶泰和矣臣

聞治天下有本身之謂也治天下有則家之謂也

皇上誠孚懿戚

惠篤本支

玉牒之館再開

悼叙之筵特舉

定宗室鄉會之試復宗學教習之官額增部員試之政典鳥麟
行葦安足方茲臣聞六經者聖人所以統天地之心通
人道之正故君道之大在乎稽古正學

皇上紹統含元聲律身度

臨雍講學示明新至善之原挈教思臨保之要每

經筵導誨

御論宏宣徵聖宗經萬物揚謨無有遠邇莫不仰窺

夙夜宥密之學皤皤焉日遷善而不自知所謂誠則形明則動
變則化也臣聞道之在政事制而用之存乎法推而行
之存乎人

皇上開誠布公愼乃在位務使人足以任官官足以任事
述大法小廉之戒

中有守有爲之謨

特諭封疆諸臣薦舉屬吏必察其心術訪諸輿論期得賢才以

熙庶績而康兆民惟

皇自敬德設誠而致行之至正而明達也臣聞重民之居而敬

其食故其俗厚而不遷因物之常而寓其教令故令行禁止而風俗成

皇上經綸寶恩日周八荒已治已安猶恐一夫不獲其所

諄諄以清漕輯匪責成大吏間遇偏歉

立沛渥恩或撫卹緩征或振贍蠲賦如保赤子

心誠求之雖遐隅殊陬罔弗含和吐氣同我太平

臣聞禹貢一

書雖紀平水土制貢賦之事而躬行教化之精微寓焉

皇上軫念河防籌一勞永逸之計不惜千百萬帑金築防疏濬
屢命重臣馳諏詳度以利漕運贍

天庾登億兆烝黎於衽席所謂精誠通於神明流澤加於生民也臣聞周禮以本俗六安萬民蓋樂其教者安親其上者服善有以相成利有以相養也伏讀

御製八旗箴令都統諸臣代敷教澤使各旗子弟恪守世範並勅親民之官朔望宣講

聖諭廣訓俾相持以成相彌以寧所謂上端誠則下愿恪上公正則下易直也臣聞致刑者以威於姦惡惟斷乃成折獄者必照其情實惟明克允

皇上欽恤庶獄權衡輕重歸於至平而思密慮周猶必參諸

天時氣候

嘉慶十年十月二十三日
辰必默參

上諭每逢勾到之伏
天時氣候以驗用刑之能否協中伏

讀

御製慎刑論嚴飭內外法司毋或從嚴而失之周內毋或從寬而流於姑息易傳所謂誠意常求於緩也臣聞益物必誠如天之生物日進日息自益必誠如川之方至日增日得

皇上率作興事明作有功

興敬昭誠不遑日昃伏讀

御製勤政殿記勤政箴幾康自茲兼以勗勵臣工惟冀百度維

貞庶司無曠洵

日新符乎湯誥

戒慎規於武銘矣

臣

聞慎儉德者聖賢進德之方慎厥身修者

卽慎乃儉德之謂故曰損飾所以存誠也

皇上崇樸素之風屏紛華之飾

貴誠上質俗易風移而

聖謨丕顯復卽魯論周易之旨

推寶心於愛人

闡執中於制度不惟四海臣民所矜式實爲萬世足食之宏模

臣聞農衣食所從出也生民之業莫重焉故聖人爲詩
導之使獲其利教之使知其樂

皇上敦俗勸農稼穡維寶

幸壇肇祀

藉畝教耕

躬先兆民民胥以勸伏讀

御製耕織圖詩四十有六章凜知艱之

訓豐安富之規輔相裁成因天乘地所謂四時從經萬姓允誠
也臣聞治天下有道休之以安動之以勞使之安居而

能勤勞苦而日強我

國家肇興東土威服寰區

列聖相承習戎振武木蘭奧壤歲

幸行圍

皇上祇遹

先謨率循懋典伏讀

御製木蘭記述習勞之戒

嚴講武之規震靈威而綏日域所謂治本於誠則散於事者可

知其政寓於政者可觀其禮也臣聞內德純茂則神罔

時恫外行恂達則四方無侮

皇上敷文德之化重柔遠之經

博恩廣施八紘率俾梯山棧壑稟朔奉藩所謂戴覆幬之恩者
咸欲天之益高荷容載之德者咸欲地之益厚推之以
誠則不言而信也臣聞治天下者莫先於建事欲師古
者莫亟於求多聞

皇上首下求言之詔有言責者皆得封章密奏而導言納諫之
諭尤惓惓於兼聽並觀

誠精故明洪纖効響通天下之志盡天下之材閭閻之隱上

問

朝廷之澤下究

懿綱醲化咸五登三

臣

聞乾道變化各正性命誠斯立焉純粹

至善者也伏讀

御製原誠曰安身立命不外一誠誠之功用精微幽顯無所不達

皇上一心存其誠萬事著其誠明倫察物極深研幾穆穆聖德大哉則

天乾乾

聖學至哉合

天巍巍蕩蕩

治功之成以體

天者繼

天

平章之化洽

洪茂之業隆叶氣流春昭景飲醴乾亨坤慶

仁壽咸登允宜

握符闡珍以受億萬年如

天之福臣才識庸陋拙於文詞弗克紹美賡歌舒揚萬一顧服

習

聖教時凜遵循恭際

熙辰彌深慶忭惟有敷陳

實政丕聞

鴻庥謹拜手稽首而獻頌曰

天眷

皇清惟

聖繼

聖性

聖至誠負乎天性

仁孝端醇

欽明簡定

嘉慶元年正月初一日 皇帝欽奉 太上皇
帝詔曰皇太子仁孝端醇克肩重器宗祏有託朕用

嘉
焉

付託精詳默參祕請

對越升香

昊穹休應

奏假思成

列祖鑒聽

嘉慶十四年正月初一日

皇帝詔曰溯自乾隆

名默告

吳穹嗣

詣盛京恭謁

三陵復

親率

朕躬面稽

列祖維時

雖未明示建儲

而大統攸屬沖漠之

中篤承

佑相

者已二十餘年

一人元良受

天成命位祿名壽

大德之慶

一章

皇帝臨宇如日麗天

堯辰

舜丙

唐祚初元

大廷

授璽疊紹

心傳祚開鳳紀慶浹鴻寰

推誠御物弗懈益虔

萬幾兢業

九德敷宣

澤滂孚兌

行健乘乾

稼門詩鈔

卷一

西

函三穆化越萬登年 二章

皇帝敬

天

宸衷欽若觀

象省躬修德沖漠民視民聽

宅中白度

聖政默孚寅儀章灼上戊次辛

昭事儼恪星炳

青壇霞褰

黃幕雷鼓靈鼗苾席匏爵

享于

克誠蕃釐輝爍

三章

仰惟

列祖謨烈顯承

純熙大介通觀厥成

皇帝聖孝

祖武式繩

秉誠盡禮景企

稼門詩鈔

卷一

五

前型冠服騎射

寶誨

聰聽寅旭

恭覽祇慎服膺監于

成憲庶績其凝

先

後一揆

大猷是經

四章

安安文思

三德誕敷入聖之域擷道之腴

垂情典藝燥範恢謨被於

勸歌治平機樞播爲

訓詞名教翼扶

制宗經典

論闡苞符

理超詩史

學綜儒書

立誠美矣

修辭煥乎

五章

賞罰信誠洸洸

聖武憫茲潢池敢當螳斧獲醜殲渠脅誘者撫西秦沉烽東川
卧鼓綏靖中州收寧荆楚水懾陸慄

威宣惠溥甲積齊山兵銷洸雨

綏厥兆民里歌社舞

六章

親親爲大

皇帝之仁

典勅天叙

恩篤天倫筵開

御苑舟泛龍津虎闈肄學麟寺睦親

本誠爲愛以德爲循銀潢派衍

寶胄枝分瓊林露湛蕊榜花新

慶命旁溢莠祿駢臻

七章

遜志時敏

帝德光昌

講筵闢論玉緯瓊綱

臨雍講學

聖謨洋洋

展誠致奠俎豆馨香

申訓學使士習宜襲士先器識豈惟詞章思樂泮水
廸教陳常維民之則

示以周行

八章

誠無不明

知人則哲

迪簡省成惟和惟一義利之

辨才德之

慶慮而從

箴於朝列業廣功崇

觀其建設輿論從違心源正誦保障撫循操貴廉潔

大鈞納鑄因材銓別

九章

猗歟八旗干城禦侮

列聖教養風俗淳古生齒日繁無或惰窳

皇帝念之育兵裕武

箴訓肫誠裁成鼓舞忠孝儉勤騎射

國語夙夜無忘乃父乃祖勉遵舊俗世爲衛輔

十章

求民之莫

安民則惠

帝誠感孚導迎

和氣十雨五風兩歧九穗食哉惟時府事允治偶歎偏區

恩綸遠被振廩安氓原逋蠲稅餘一餘三乃其有備土惟樂土

歲惟樂歲

十一章

法司讞獄務底於平日明日慎威照並行

皇帝曰吁告爾祥刑無出無入服念惟誠

審視黃冊務叶

天經禾莠以判雀鼠靡爭辟以止辟

德性好生無訟成化

皇心則寧

十二章

浩浩河流轉漕濟運灑澤蜚芻時

崖驛問竹箭秋駛桃花春汛險工宜防淤壤宜濬工鉅費繁

頒帑靡靳

吳綽鑒

誠星源効順挈畚引綱舳艫聯進仰瞻

天儲俯綏農畯

十三章

從容中道

天亶聰明

聖不自聖堯心禹形昧爽丕顯宵衣夙興至日屯旻

圖治彌精

批章引對通德類情

勤則不匱政貴有恒肅誦

謨訓萬世法程臣工愧勵仰希

懋誠

十四章

皇帝崇儉性不喜奢貢却珠玉飾屏珍華弊防損下毋使有加

化敦

誠樸自邇及遐布素較射乃荷

褒嘉

嘉慶十一年十二月初七日

上諭向來東三省隨圍

官兵于引見較射時所服均係布素深得持儉之道甚爲

嘉悅食時用禮罔或貸賒禁溢節漏罔或過差儉以足用

仁宇靡涯 十五章

皇帝重農

農壇虔祭省土

天田

率先稽事

玉帙鳴鑾星罕揚
旃繡甸膏滋
龍辰喬靄黛
耜紺轅縹軛
慈牯
四推加虔肅承

祖制

御製耕藉禾詞注親耕之禮躬舉三推舊制也
皇祖世宗憲皇帝特加一推爲四用示勸農重穀之意

皇父祇遵

遂世爲法守

幽詩咏圖

禾詞宣意

天祐

真誠屢豐錫瑞

十六章

興安之趾武列之湄
木蘭秋獮

祇通

前規馴駁駕駟日月揚旗

天賦疊發拉虎推熊藩部星拱羽衛雲隨

整列習禮

雜武簡帥期會

示信宴賚

申慈

陳誠戒逸不

德威 十七章

域彼四海我

武維揚矢其

文德誠信孔彰步周月靖宇拓天方龍編受吏饒國徠航憬琛
負賁達於

帝鄉

錫以綸綍育以膠庠

恩風翔洽

惠澤普滂延禧

軒紀玃惴

堯觴 十八章

綱舉目張

朝無缺事精益求精

皇帝大智杜漸防微民生

國計

虛衷求言俾資調劑

積誠无斁均期効試矯者弋名卑者牟利屏而弗庸毋消公議

執兩用中以成郅治 十九章

天開景運

暢化右文惟

誠成物

壽考作人

恩垂普篤

慶榜特申烝髦顙俊蔚爲庶珍鹿鳴秋賦雁塔春新武科定制
掄材必真喻彼芃械以備黷薪

澤均雨露類應風雲

二十章

皇帝萬壽

祥祐申延

光罩被

鵲詔頒宣嶽瀆用享鄒魯告虔

膏霑星胃

徽詒絨班鮪頰

賚洽鱣序賚遷

優褒孝義俯軫顛連原除麋峻肆宥雞竿歸

誠戴

德環宇臚歡

二十一章

天錫

皇帝亦孔之厚

皇帝法

天不息則久

誠復誠通日新富有

景貺龐洪

繁祉篤受

大衍昌期臣拜稽首江漢朝宗異源同口華封祝三天保頌九

悠遠高明與

天齊壽 二十二章

高祖考渭水公像贊

五行失序孑然此身况當明季備嘗艱辛卒脫禍亂知幾其神
承先啟後曰第一人高踪何託山岑水濱雅懷自適歌詩垂綸
超超物表不染纖塵再拜遺像警欬如親

顯考恬庵公像贊

仰瞻遺範宛似當年回憶庭訓猶在目前忠孝廉節尚希古
賢聲色貨利勿爲俗牽嗟予小子慚負心傳自茲以往敢不勉
旃

唐蘇州刺史白公像贊

并序

予督修蘇州郡學因改建敬一亭遺舍立白公祠與韋
況二公祠並峙爲三爰取君臣圖鑑中白公小像令闕
文山鈎勒上石公於敬宗寶歷元年乙巳三月四日除
蘇州刺史五月五日到任嘗作虎邱路民免病涉衆障
流潦非旬休不設宴詩云衆賓勿遽起郡寮且逡巡無
輕一日醉用犒九日勤微彼九日勤何以治吾民微此
一日醉何以樂吾身二年丙午以病免劉禹錫贈詩有
云聞有白太守拋官歸舊谿姑蘇十萬戶皆作嬰兒啼
公答有云去年到郡時麥穗黃離離今年去郡日稻花

白霏霏公時年蓋五十有五也贊曰

公來乙巳公去丙午一載吳中匪曰歌舞何樂何憂十萬餘戶
九日治民克殫綏撫一日宴賓用慰勤苦蘇人愛之杜母召父
臥轍難畱洒淚如雨懿彼官民何風之古

稼門詩鈔卷二

箴銘

皖江汪志伊著

自名志伊箴

志不預定習與性歧非道非義凜然惟危誰歟先覺有莘之伊
我亦耕耨一介自持志其所志主善爲師不旣其實望名何爲
自號稼門箴

少年學稼揮汗田端問何自苦惟門之寒負耒而出去莠務殫
橫經而入寸陰難寬時誦無逸時咏伐檀念茲稼穡邇本攸關
泊爲民牧敢曠厥官禾廩三百滋愧素餐門署曰稼毋忘艱難

反身箴

面目可憎語言無味問何獨然平生暴棄禮樂詩書澤躬利器
學不反身徒事文藝安得精華灌溉心地君子鏡之借爲磨礪
自省氣質變化曾未

心苗箴

心天地心心根生苗生從大德其根不搖或搖其根苗乃蕭條
平旦無牯夜氣自饒勿忘勿助是養是聽心苗曷見占復初爻

室中銘

水有源流不竭木有根芳不歇爲子積金不如積德

過箴

千林木不勝片斧千石水難滿漏卮過未然兮自防不防誰爲
心主主之哉居敬帝臨汝過已然兮自思不思誰爲予補補之
哉窮理而絜矩

壺銘

人醉酒顏自厚醒眼觀不堪醜利欲熏心者亦似醉人否

聽言箴

吸得苦茗性先森嚴後甘潤我思君子議論咀得甜飴病先爽
美後酸沁我思小人諂佞

不目欺箴

無事不可以告天非希天眷無事不可以告人非求人見賢哲罔弗戒自欺吾師乎司馬溫公趙清獻

一品石銘

石在蘇州府署東偏凝香別墅

昔枕湖山今覆苔錦厥洞惟三天然一品曰介曰廉清風凜凜世無元章誰爲諦審

雜箴

未雨雷鳴雨必不成彼君子兮未言先行

積石成山積水成海從知大福厚德能載善小弗爲過小弗改

成固無望且懼其殆

構室巨築基固人之爲人憬然可悟欲進高明誠實起步

非理外至心惟恐凜凜如避虎勿恃攘臂勇非理內起心自悚
惕惕如探湯勿縱食指動

戶樞不蠹流水不腐人欲壽高勤爲主勤兮孰如運甕之陶公
勤兮孰如惜陰之神禹壽兮孰如洛社之耆英壽兮孰如磻溪
之尚父今人著微勞輒自以爲苦無怪享年遠不如古

山形峭木不稠水勢急魚不留人能涵養才德兼優豈惟享壽
高人一籌

長袖善舞多財善賈豈第行文取鑒斯語爲政爲人必澤於古
古者修身敬爲之主格致誠正道傳鄒魯不學無術何規何矩
昧昧爲人風刺相鼠無禮無儀反不如舞憤憤爲政苛同猛虎
患得患失反不如賈

自大自滿豈是福曷不借觀器與木木小則培大則傾器虛則
注滿則覆

濟物之志不可無濟物之名不可有名重力薄不能酬望虛怨
起誰之咎

好談己長人則厭聽善養己長人則愛敬或愛或厭非人

何去何從已當爲政

喜炫已長必揚人短短長相形種禍不淺

窮反噬鳥窮必搏矧人情變無常豈可臨險而薄君子操縱
有權姑且放寬一著

世豈皆通儒取可不恕諸取直恕其懇取樸恕其愚取介恕其
隘取信恕其拘苟畧長而摘短試捫心其何如

樹高召風行高召謗謗何以弭不辯爲上不辯之辯砥行勿曠

公案銘

堂曰公堂案曰公案曲直是非憑理公斷秉公者不欺服公者

不翫矧公生明明則幹更足燭譎張而制強悍彼模稜於兩可
之間蓋參私意而自亂

墨筆銘

得心應手惟此不律飽蘸隴廉熟籌得失誠得民心愛如冬日
乖失民心畏同魚乙誰執其柄慎哉心術

硃筆銘

壺胥莠民陰相鈎結擇肥而噬爲禍最烈苟憚案牘煩不將情
僞別堂上一點硃民間一碗血

便民箴

吏治興衰存乎意翻然大矯廢弛弊勢必猛而苛繁而細弊未
除民先累治民意與治病同奚必沾沾問調劑但病能愈卽良
醫但民稱便卽良吏

保富箴

釣水鮮可食采山美可茹人間有富民豈異山水歟一家勤而
富役者百千夫富濟貧不足貧資富有餘饑寒不相迫盜賊自
然無又安有螳聚蜂屯意外虞吁藏富安富計非迂惡富剝富
心何愚

饑寒箴

木性直雨露滋日新而月盛養成干霄姿懸崖之下無良材夫
豈生性不直來勢之所逼性遂乖從知饑寒者斯民之懸崖

救荒箴

救火不解帶救水不褰裳胡爲不推此意以救荒曠日持久不
開倉坐視饑民散且亡

恤士箴

敝袍陋室常虞枵腹黃卷青燈糧無越宿况值歲饑更窮蹙欲
攜甌鉢向黔婁却顧衣冠不忍辱或貽金或餽粟養士廉恥卽
教育勿嗟來食令揚目

稼門詩鈔卷三

五古

皖江汪志伊著

畫菜

青青菜盈畦秀潤含芬苾官豈忘此味民難堪此色設官誠何
心牧民是誰職柔根斲不斷百事遂無力由來肉食鄙蒼生誰
補益矧吸民膏脂簞簋不加飭官肥民必瘦饑驅寒更逼可憐
春風而顛改霜蔬質嗟彼牧民官不如園丁術園丁術非奇藝
圃除荆棘清泉資灌溉沃壤加培植日暖翠甲榮風和新茁茁
菜葉與菜根馨香同黍稷澹味耐人嘗秀色非虛飾閑閑十畝

問生意自洋溢爲問士大夫孰得而孰失請觀此畫圖斷非空
落墨用意在筆先此意人須識官清嗜此味民饒謝此色

前後
回環

不嫌重韻少陵
杜鵑篇亦然

五計歌

昔有朱平涵曾著五計說說盡世人情今譜歌一闕人生十餘
年依依父母前終朝飽且暖隨時嬉與眠無營亦無慮其名則
曰仙計年二十許富強心自主攘利似饑鷹爭名如繡虎龍斷
左右望其名則曰賈三十四十會嗜欲心侈汰室巨金思多位
高名欲大妻妾羞且泣其名則曰勾行年五十秋歷練倍多愁

已得復患失可去仍欲留
嶮巇縈寤寐其名則曰囚
過此豈了時妄想心尤癡
繼起卿子弟反老身嬰兒
醉生夢死申其名則曰屍
五計歌長矣一言蔽曰鄙
盡掃雲煙消明月照秋水

老驥吟

乾隆庚戌蒲節

勿謂驥且老老驥能識途
伏櫪志千里呼羣達九衢
渴飲康泉水食玉山芻養
得氣深穩何嫌貌瘦羸蹄
輕風入健神清骨日腴蓄
德勝大馭負力可長驅不
須伯樂顧自擅千金軀昔
遇穆天子特憐神駿殊權
奇沫噴玉倜儻汗流珠風
塵幾何年鞅掌亦勤劬不
同泛駕馬豈似轅下駒可
憐今老矣猶勝策駘驚

無那風雨驟更值路崎嶇頓使霜蹄蹶一旦辱泥塗壯心雖未
已危顛孰與扶低頭不敢鳴歸咎命也夫豢養恩未報眷念腸
欲枯駑力供驅策嗚咽屬從騶老驥今何在迷途孰指吾茫茫
東道裹短歎復長吁

行年四十九述懷

并序

先母胡太恭人年四十有九而生志伊闕十九年而太
恭人見背踰年先大夫恬菴公亦捐館舍抱痛蓼莪終
歲戚戚值誕辰尤覺愴然未嘗聞樂飲酒又十年志伊
舉於鄉旋出宰歷仕郡守時以祿養不逮爲憾忽忽不

覺年亦四十九矣撫時追悼不能已於言

人生壽幾何歲月似梭走年年逢此日我不歡飲酒匪惡酒之
甘此日難甘口此日亦何日難日迫老母哀哀念劬勞命懸絲
一縷莫報罔極恩焉敢慶我壽我壽自年年况茲四十九四十
九謂何念母難回首吾母行此年生我良非偶萱草臨深秋顚
顚應已久玉燕尙投懷從知坤德厚藐躬不耐寒循聲驗休咎
勸我還顧我出入時襁負啼饑吮母乳寢熟枕母肘仍恐驚我
神不遽叱雞狗垂髫促就傅無以習慣狃少子不偏憐丁寧孝
與友泊我十九齡寒食踏青後戶外起陰風無端折枯柳哀哉

禍相延母子頓分手揮涕向椿樹椿樹啼烏白愧乏令名貽出
處凜不苟廿九赴公車卅七綰花綬祿養今不逮空作蘇州守
此間豈吾鄉鄉在無何有時氣花開落義和能駐否少壯幾何
時嬰孩成半叟轉恐慈母心不以幽明剖默默數流年憐我逼
衰朽

道旁柳

我驅道中車感彼道旁柳綠陰匝地垂人傍綠陰走行人或悲
歌柳低愁眉久行人有餘歡柳垂青眼厚柳若解人意憂先而
樂後恐孤雨露恩精神時抖擻慙非棟梁材中心灰且朽枝老

不折腰幹古肯低首五株挹清風先生不世有依依宅邊榮保
不夕萎否安得迴我車委懷詩與酒

觀架上行述

古人質勝文今人文勝質中年哀樂多公餘披行述縱橫盈我
架料有行超軼再四展卷觀猶是尋常述秉性惟孝友聲名若
洋溢開章第一義憑空爲撰述理學宗程朱治績龔黃匹獵名
世難欺作僞悍然述奴僕寬且嚴鄉黨期以卹約略其生平述
所不必述更有可笑者雷同重重出張冠借李戴本來無可述
可憐愚孝子啾啾還唧唧作者腸已枯請益代子述九原倘有

知當亦爽然失求榮未必榮不如其無述嗟嗟千古心遙遙存
卷帙信如世所爲來者將何述不見邃古初循蜚暨疏仡渾渾
復踵聖功德無能述南陔興白華無辭入聲律千秋孝子心不
述猶勝述伊周炳治功孔孟闢儒術大道垂六經述之不勝述
元氣自渾淪希聲謝琴瑟滄海發支流各以一端述偉哉文天
祥慷慨吾事畢臨刑極從容正氣歌足述乞養終餘年西晉一
李密孤苦影吊形陳情表堪述老翁送百錢太守取其一口碑
傳會稽劉寵廉可述談笑却秦軍功成不受秩邈矣魯仲連高
節卓可述我觀古先民事事皆以實略舉以發凡不復爲殫述

寄言世間人當念君子疾沒世名不稱誰向生前述勿使執筆人捫捥頻攔筆黽勉一二事留與後人述

歐陽公醉翁亭記句脚均用也字前人謂其學易雜卦傳固然而不知詩亦有之墻有茨三章句脚均用也字桑中三章句脚均用矣字樛木三章句脚均用之字緇衣三章句脚均用兮字又如螽斯三章首句不易一字桃夭兔罝皆然漢廣三章末句不易一字麟趾騶虞皆然鵲巢三章末句只易一字綢繆三章末句只易二字此類甚多不能殫述余此詩合觀是一首分觀則二十章章末用二十述字匪敢上擬風人

不如此則意不暢故不惜破體爲之

自記

題費玉衡窺園圖

紫陽重經術淹雅推玉衡授徒凝香墅大小叩輒鳴時作促膝
譚天人策尤精示我一新軸不似漢董生董生下帷讀君欲窺
園行窺園誠何意下帷豈虛名帷中天地迹園中天地情帷中
萬物蘊園中萬物呈所期在神遇何論牆與羹心官秉智燭覺
處生虛明鳶魚自飛躍天人一至誠微言質董子淵默聞雷聲

哭子正綱

人生孰不死死死孰如正綱死前幾萬死沈疴苦備嘗斯人有斯

疾搔首問彼蒼賦性正且直器識亦非常造化若無意胡爲降
才良垂髫就外傳日讀數十行少不事嬉戲勤奮惜韶光稍長
益努力經籍窮縹緲旁擷子史華風藻凌雲翔漸以挾經心頗
知戒濫觴藝苑許馳驅千里駒昂昂人稱佳子弟習不染膏粱
憶爾年十一離母客

帝鄉泊我初筮仕偕兄入晉疆時時繞我膝含淚盼阿娘阿娘
久方至反哺亦不遑哀哀遽失恃風雨助悲涼握筆爲母傳痛
極摧鋒鉅一字一流血我讀心茫茫友愛篤兄弟式好無參商
小試懼曠功援例入上庠兩就北闡試運蹇名不揚悲歌慄以

慨二豎跳陸梁勞勞關山遠車仆左手戕中途無藥石抱病還
金閨念爾新婚後倏忽理行裝一旦遠歸來誰能禁由房無那
病日劇深痛似鉅創向有鼻衄症兼患痔爲傷勿藥忽自愈形
影若遁藏詎知氣奔注聚束如瓜瓢手腕贅毒瘤六脉俱罹殃
外腫宜急治內虧便宜防信彼醫家言頓分鴛與鴛室邇人自
違度日如年長啟戶伴明月孤影獨倚牆雨晦風瀟瀟含愁偃
在牀愁中復牽愁愁絕幾星霜病上復加病誰爲渡慈航設濟
坎離性脉脉和陰陽或可起錮疾否亦期弄璋計皆不出此惟
以速愈望祈神兼問卜欲覓回生方回生方難得廣爲延岐黃

岐黃八九更不敢投鍼芒己酉迄壬子寢不解衣裳朝朝復暮暮
藥灌漑惟藥湯脾土蕩而敗黍稷不馨香元氣日以耗病又入
膏肓內外夾攻之孱體何能當痛楚徹心骨揉挫百鍊剛寢食
俱不安骨立一枯楊我自迴南轅我心愈恐惶路接正修書函
問果然詳四月二十五病似翻風狂虛火燥身熱痰湧氣騰驤
廿七日加重不能進水漿張口幾欲言舌本短且僵延至初二
日亥時慘焉殤悲哉裂我心心血淚汪汪淚從心頭下血沉不
盈眶回憶我北征瞻依復徬徨誰知目送處卽爲分手場嗟乎
生死際念念不能忘生離琴不御死別琴俱亡二者有其一已

足斷人腸吾兒兼有之抱恨歸北邙螺贏負孤母呱呱伴少孀
灰哉我之心逐爾魂飄颺

題黃綬春江泛舟圖

放舟春江行領畧江春否岸草自芊綿天桃襯綠柳燕拂和風
翔浪激蛟龍吼漁艇趁新晴欸乃出洲口水光浸碧天明媚入
意牖一盃陸羽茶清逾陶潛酒洗盡胸中塵科頭坐船首借問
遊者誰答曰甥黃綬綬乎予知汝將爲民父母誨汝復諄諄勿
與鄙夫偶宦情濃於春清白祇自守宦海甚於江須防風浪陡

猛虎行

庚申七月

猛虎嗜人弗畏人咸瞋一朝自陷阱安得全其身嗟乎虎之
猛曷若麟之仁